



AUTORIDADE ADUANEIRA

Instrusaun Administrativa husi Komisáriu



Padraun Prosedimentu Operasionál (PPO) ba:

**“Prosedimentu Simplifikadu Kona-ba
Liberasaun Importasaun Sasán
Komersiál Liuhusi Postu Fronteira
Terrestre no Aeroportu-2024”**

Númeru PPO 2 husi 19 / 06 / 2024

Tabela Konteúdo

1. Titulu Padraun Prozedimentu Operasional.....	4
2. Âmbitu	4
3. Autoriasaun	4
4. Objektivu.....	4
5. Konformidade ho Padraun Nasional no Internacional.....	5
6. Integrasaun ho Agência sira Governu nian Seluk (AGS).....	6
7. Lejizasaun Aplikável	6
8. Validade no Mudansa	9
9. Na'in ba Prozedimentu	9
10. Aplika Prozedimentu Ida-ne'e.....	10
11. Kumpre ba Prozedimentu Ida-ne'e	10
12. Minimu Dokumentu Apoio no/ka Rekijitu sira seluk	11
13. Prosesu Diagrama Fluxu	13
14. Prosesu Narrativa.....	17
Etapa 1: Despaxante Submete DAU no Dokumentu Apoio, Rejistrasaun no Auto-Avaliasaun	17
Etapa 2: Kanál Verde/Azul	18
Etapa 2a: Kanál Kinur - Ezaminasaun Dokumentáriu	18
Etapa 2b: Kanál Laranja – <i>Scanning</i> Rato-X.....	21
Etapa 2c: Verifika Dokumentáriu Kanál Mean	23
Etapa 2d: Ezaminasaun Fiziku Kanál Mean	25
Etapa 3: Pagamentu ba Impostu no Taxa Iha Banku Autorizadu.....	27
Etapa 4: Fô-sai no Validasaun ba <i>Exit Note</i>	28
15. Aprovasaun, Diretiva no Divulgasaun husi Komissáriu.....	30
16. Rejistu Alterasaun PPO	31

PARTE A: INTRODUSAUN PPO

1. Títulu Padraun Prosedimentu Operasionál (PPO)
2. Âmbitu
3. Autorizasaun
4. Eskritóriu Atendimentu ba Liberasaun Integradu (EALI)
5. Lejizlasaun Aplikável
6. Validade no Mudansa
7. Objektivu husi PPO ida-ne'e
8. Na'in ba Prosedimentu
9. Aplika Prosedimentu ida-ne'e
10. Kumpre ba Prosedimentu ida-ne'e
11. Dokumentu Apoiu Minimú no/ka Rekizitu sira seluk

1. TTULU PADRAUN PROSEDIMENTU OPERASIONAL

Padraun Prosedimentu Operasional (PPO) ida-ne'e oficialmente sei rekoñese nu'udar:

"Prosedimentu Simplifikadu Kona-ba Liberasaun Importasaun Sasán Komersial Lihusi Postu Fronteira Terrestre no Aeroporto - 2024".

2. ÂMBITU

PPO ida-ne'e limita ba aspetu prosedimentu sira husi prosesu liberasaun importasaun ne'ebé simplifikadu aplikável ba sasán komersial sira - la'ós pasajeru nia bagajen - ho valor liu US\$1.000, to'o-mai liuhusi Postu Fronteira terrestre ka Aeroporto hotu-hotu.

3. AUTORIZASAUN

PPO ida-ne'e hetan autorizasaun husi Komissáriu Autoridade Aduaneira tuir provizaun sira tuirmai:

- a) Lei Orgánika Alfândega, Dekretu-Lei 2/2020, 8 Janeiro 2020, Capítulo III Estrutura Orgánica, Sesaun 1 Orgaun sira, Artigo 9 (1c) "Komissáriu Autoridade Aduaneira," ne'ebé permite Komissáriu atu: "*aprova regra administrativa no/ka instrusaun sira ne'ebé neseráriu ba funsionamentu Autoridade Aduaneira, inklui aplikasaun leisiasaun Alfândega.*"

4. OBJETIVU

Objetivu husi PPO ida-ne'e mak atu fornese instrusaun klaru kona-ba:

- a) Oinsá mak mini CREP iha Diresaun Nasionál ba Operasaun Aeroporto Internacional Dili (no kualkér Aeroporto seluk iha Timor-Leste ne'ebé hetan autorizasaun husi Alfândega atu simu aviaun internacional sira), Postu Fronteira Terrestre Batugade, Salele no Sakato no kualkér Postu Fronteira Terrestre sira seluk ne'ebé hetan autorizasaun, sei responsável ba no sei hala'o funsaun liberasaun importasaun, esepitu ba:
 - Pagamentu ba impostu, taxa no kustu alfândega ne'ebé iha banku autorizadu;
- b) Oinsá funsionáriu sira sei hala'o knaar ida-idak iha prosesu liberasaun importasaun, hahú husi tempu Deklarasaun Sasán simu husi Alfândega liuhusi fó-sai número registrasaun úniku, to'o sasán ka unidade transporte kargo sai husi área kontrolu Alfândega, hainfoin kompleta pagamentu relevante ba impostu, taxa no/ka kustu sira seluk;
- c) Oinsá maioria husi etapa prosedimentu sira tenke hala'o liuhusi sistema Alfândega (ASYCUDA World), ho espresaun hodi evita rejistu manual esternu iha kualkér tipu;

- d) Oinsá deklarante ka nia representante sei halo interasaun ho Alfândega durante prosesu liberasaun importasaun, inklui nia obrigasaun atu fornese informasaun adisionál, karik preziza;
- e) Oinsá kona-ba pagamentu impostu, taxa, penalidade no kustu sei selu ho métodu ne'ebé atualmente disponivel liuhusi *cash* ka transferénsia interna iha eskritóriu BNU ka BNCTL ne'ebé alokadu; no
- f) Oinsá mak sasán sira-ne'e sei Hasai;

5. KONFORMIDADE HO PADRAUN NASIONAL NO INTERNASIONAL

Integrasaun eletrónica kona-ba funsaun importasaun/liberasaun hotu-hotu sei ajuda Alfândega no GOTL atu kumpre ho:

- a) *Dekretu-Lei 2/2020 (Estrutura Organizacional AA) Artigu 4, 1 (d) ne'ebé:*
inklui prinsipiu organizasaun flexibilidade organizasional;
- b) *OMA Konvensaun Kyoto Revizodu (KKR):*
Aneksu Jerál, Kapítulu 3, "Liberasaun no Formalidade Alfândega Sira seluk," Padraun 3.1 to'o 3.45. Partikularmente, Padraun 3.25 ne'ebé kobre submete no registrasaun antes deklarasaun sasán (DAU) katak Alfândega tenke implementa iha futuru próximu;
- c) *OMK Akordu Fasilitasaun Komérsiu (Bali, 2013) partikularmente relasiono ho:*

Artigu 7, "Hasai no Liberasaun ba Sasán".

- i.) *Prosesamentu pre-xegada (seidauk implementa);*
- ii.) *Pagamentu eletróniku (seidauk implementa)*
- iii.) *Separasaun kona-ba liberasaun (Exit Note) husi determinasaun finál ba impostu Alfândega, taxa, no kustu (parcialmente implementadu);*
- iv.) *Jestaun Risku (implementadu nasionalmente);*
- v.) *Auditoria pós-liberasaun (implementa parcialmente, hanesan auditoria documentais);*
- vi.) *Estabelesimentu no publikasaun kona-ba tempu Liberasaun (seidauk implementa);*
- vii.) *Medida fasilitasaun komérsiu ba Operador Autorizadu/Komérsiu Konfiável (seidauk implementa);*
- viii.) *Konsignasaun ne'ebé aselera - korreiu aéreu (parcialmente implementa iha Aeroportu Dili)*
- ix.) *Sasán ne'ebé fasil aat (atualmente, prosedimentu manuál kada kazu);*

Artigu 8. Kooperasaun Ajénsia Fronteira

- 1.) Atu asegura katak Alfândega no ajénsia sira seluk hotu ne'ebé responsável ba kontrolu fronteira no prosedimentu kona-ba importasaun no esportasaun sira kolabora hamutuk no **koordiná sira-nia atividade sira hodi fasilita komérsiu** (*Alfândega implementa ona Komite Jestaun Fronteira (KJF) ho partisipasun husi ajénsia fronteira 7)*

6. INTEGRASAUN HO AJÉNSIA SIRA GOVERNUN NIAN SELUK (AGS)

Integrasaun hotu-hotu ba funsaun liberasaun husi Alfândega no ajénsia sira governu nian seluk (AGS) ba iha prosesu ida de'it, nu'udar prátika di'ak liu iha mundu tomak, tanba maioria nasaun sira ne'ebé dezentrolvidu no dezentrolve-an, administrasaun Alfândega implementa ona prosesu liberasaun ida-ne'e, nu'udar prosesu prinsipál ida ba simplifikasaun, desburokratizasaun, no fasilitasaun komérsiu.

Iha ambiente nasionál, Ajénsia sira Governu nian seluk (AGS) ne'ebé participa iha prosesu liberasaun Alfândega, iha etapa ida-ne'e menus rekursu komputadór no fleksibilidade estrutura atu iha sira-nia pesoa sira-nia ko-lokasaun iha eskritóriu Alfândega, hanesan prevee ona anteriormente. Ba razaun ida-ne'e, Autoridade Aduaneira implementa hela estratéjia rua:

- fornese AGS sira hodi asesu ba ASYCUDA World liuhusi komputadór sira iha Eskritóriu Alfândega, iha Postu Fronteira, wainhira sira habú participa iha prosesu eletrónika AW nian bazea aprosimasaun fazeada , no
- dezentrolve perfil risku kona-ba sira-nia risku prinsipál, tuir lista bázik dahuluk ne'ebé fornese husi partisipasaun AGS sira (iha etapa ida-ne'e Ministeriu Saúde, Quarentena no sasán bandu balun ne'ebé kontrolu husi PNTI)

7. LEIZLASAUN APLIKÁVEL

Leizlasaun tuirmai aplika ba prosedimentu ida-ne'e.

A. Estrutura Orgániku husi Autoridade Aduaneira, DL 2/2020, 8 Janeiro

Artigu 9, 1c: Poder husi Komissáriu atu "aprova regra no/ka instrusaun administrativa"

B. Dekretu Lei Kódigu Alfândega 14/2017 – 5 Abril 2017

Provizsaun espesífiku mak, hanesan tuirmai ne'e:

- a) Artigu 138, paragrafu 1 no 2. - Fatin rai sasán obrigatoriu tuir rejime Alfândega durante loron 30 (to'o-mai liuhusi tasi) ka loron 20 (to'o-mai liuhusi aéru ka terrestre);
- b) Artigu 139, paragrafu 1 no 2. - Sasán iha armazén temporáriu, iha fatin ne'ebé autoriza ona enkuantu hein sira-nia prosesamentu tuir rejime Alfândega;

- c) Artigu 139, parágrafu 4.- Pesolá ne'ebé hasai sasán husi Alfândega nia área kontrolu molok autorizasaun sai sei sujeitu ba penalidade administrativu;
- d) Artigu 142, parágrafu 2, karta (c). – Sasán iha fatin rai sasán temporáriu konsidera abandona ona ba Estadu, karik sira la hasai husi Alfândega nia área kontrolu durante loron 5 hahú husi loron liberasaun.

Nota.- Liberasaun ne'e afeta husi fó-sai AW Nota Exit husi Alfândega, hafoin pagamentu simu ona iha Banku no hatama iha módulu Kontabilidade AW nian.

- e) Artigu 155, parágrafu 1 to 3.- Espezifika katak:

- Deklarasaun alfândega eletróniku signifika transmisiaun eletrónika ba Alfândega kona-ba detallu ka dadus hotu-hotu ne'ebé prezisa atu aplika rejime Alfândega; no
- Kódigu identifikasaun ne'ebé atribui ba deklarante ida ba objetivu identifikasaun fiskal konsidera hanesan asinatura eletrónika ida.

- f) Artigu 156, parágrafu 1 to'o 5. – Fó detallu kona-ba dokumentu sira ne'ebé nesasáriu atu aneksa ba iha deklarasaun Alfândega, hanesan

- Fatura Komersial ho deskrisaun jerál kona-ba sasán;
- Dokumentu sira ne'ebé nesasáriu atu aplika rejime tarifa preferensial ka kualkér medida seluk ne'ebé á's liu rejime jerál aplikável ba sasán sira ne'ebé deklarara,
- Sertifikadu Saúde, fitosanitaria no kualidade ka seluk-seluk tân (karik aplikável)
- Dokumentu sira kona-ba transporte ka rejime Alfândega anterior.

Nota 1.- Wainhira deklarasaun ne'e halo eletrónicamente, dokumentu sira iha leten submete iha período másimu oras 24 nia laran, hafoin submete deklarasaun refere.

Nota 2. – Prezisa konsiente katak Artigu 81 Kódigu Alfândega hateten tân katak:

“ba objetivu lei Alfândega, wainhira ema ida arkiva ka ho maneira seluk fornese dokumentu ka pagamentu iha forma eletróniku liuhusi Sistema Informasaun Alfândega nian tuir rekizitu espezifiku, dokumentu ka pagamentu ne'e konsideradu arkiva ka fornese tuir konformidade ho lei iha datu no fatin apropriadu”

- g) Artigu 157, parágrafu 1.- Tenke submete deklarasaun Alfândega ba iha área Alfândega ba sasán sira ne'ebé to'o-mai;

- h) Artigu 157, parágrafu 2.- Deklarasaun Alfândega bele submete oras ruanulu-resin-haat (24) molok sasán sira-ne'e to'o-mai;

- i) Artigu 158, parágrafu 1 no 2.- Alfândega nia deklarasaun ne'e kesí/vinkuladu ba deklarante ka ninia representante en termu de:

- Lolooos
- Autentisidade kona-ba dokumentu sira ne'ebé aneksadu, no
- Konformidade ba obrigasaun hotu-hotu ne'ebé asociadu ho rai sasán tuir rejime ne'ebé deklara.

j) Artigu 158, parágrafu 3.- Deklarasaun Alfândega ne'ebé halo liuhusi meu eletróniku konsidera entrega ona wainhira simu mensajen husi Alfândega, ne'ebé ho meu hanesan, tenke rekoñese ninia resibu;

k) Artigu 159, parágrafu 1 to'o 4.- Simu deklarasaun Alfândega wainhira formatu no dokumentu apoju hotu-hotu prienxe ona rekijitu, oras no data simu no fó-sai númeroj registrasaun úniku, no efektu legál kona-ba aseitasaun ida-ne'e;

l) Artigu 160, parágrafu 1 to'o 3.- Alterasaun no substituisaun kona-ba deklarasaun Alfândega molok hahú prosesu lberasaun;

m) Artigu 161, parágrafu 1 to'o 3.- Kanselasaun ba deklarasaun Alfândega bazea ba pedidu husi deklarante;

n) Artigu 162.- Verifikasaun no revista kona-ba deklarasaun Alfândega;

o) Artigu 163, parágrafu 1 to'o 3.- Avaliasaun kona-ba deklarasaun Alfândega;

p) Artigu 164, parágrafu 1 to'o 9.- Ezaminasaun ba sasán, inklui amostra no teste, no deskrisaun kona-ba infrasaun alfândega típiku;

q) Artigu 165, parágrafu 1 to'o 4.- Oras no fatin ba ezaminasaun Alfândega no koordinasaun ho Ajénsia sira Governu nian Seluk (AGS) ne'ebé karik presija atu halo kontrolu partikular ba sasán;

r) Artigu 385, parágrafu 2.- Ba kalkulasan prazu limita tempu iha Kódigu ida-ne'e, mensiona kualkér loron signifika katak "loron servisu."

C. Referénsia ba Regulamentu Internasionál

OMK Akordu Fasilitasaun Komérsiu (AFK) ninia objetivu mak atu simplifika no armoniza prosedimentu Alfândega. Konformidade ho prinsípiu AFK bele ajuda hamenus tempu no kustu lberasaun alfândega no hasae transparénsia.

GoTL anterior aseita ba OMK iha fulan FEVEREIRU 2024, ne'ebé signifika katak provizaun sira husi AFK sai obrigatóriu no parte ida husi Kódigu Alfândega DL 14/2017 tuir Artigu 3 (oo) Lejizlasaun Alfândega.

a) Artigu 3, parágrafu (oo).- **Lejizlasaun Alfândega:**

- Kódigu ida-ne'e no kada medida promulgasaun;
- Lei Timor-Leste nian ne'ebé inkluidu provizaun sira impoin impostu no kustu seluk

alfândega nian kona-ba sasán importasaun ka esportasaun; no

- iii. Akordu internasionál ne'ebé inkluindu provizaun sira alfândega nian iha ne'ebé Timor-Leste sai parte ida.

https://www.wto.org/english/tratop_e/tradfa_e/tradfa_e.htm#ii

8. VALIDADE NO MUDANSA

PPO ida-ne'e tama iha loron iha ne'ebé Komisáriu asina iha **Seksaun 15** husi PPO ida-ne'e. Iha kualkér mudansa ba PPO ida-ne'e tenke hetan aprovasaun husi Komisáriu, no tenke atualiza ho loloos PPO no sirkula ba pesoál Alfândega relevante.

9. NA'IN BA PROSEDIMENTU

Prosedimentu nia na'in mak Diretór Nasionál Jestaun Konformidade Alfândega (DNJKA), ho kooperasaun diak ho Diretór Nasionál Operasaun (DNO) no Sub-Diretór Operasaun sira, Aeroportu Internasionál Díli, Batugade, Salele no Sakato, no mós kualkér aeroportu sira seluk ne'ebé autorizadu husi Alfândega atu simu voo internasionál sira ne'ebé mak sei responsável ba:

- a) Implementasaun no padraun aplikasaun ba provizaun hotu-hotu iha PPO ida-ne'e, iha área hotu-hotu Alfândega nian ne'ebé nia kontrolu;
- b) Asegura katak Diretór Nasionál Operasaun f6 Instrusaun ba Sub-Diretór Operasaun sira Alfândega nian iha Aeroportu no Postu Fronteira no funsiônáriu ezaminasaun sira atu kumpre tomak ba PPO ida-ne'e;
- c) Asegura katak funsiônáriu sira iha área operasionál ne'ebé iha nia kontrolu no hala'o Operasaun iha Aeroportu no Postu Fronteira iha asesu ba kópia eskrita ka eletrónika husi PPO ida-ne'e;
- d) Asegura katak funsiônáriu sira iha área operasionál ne'ebé iha nia kontrolu – mini CREP, no funsiônáriu sira husi ezaminasaun Fíziku iha Postu Fronteira no kualkér área ezaminasaun fíziku seluk, simu ona formasaun apropiadu kona-ba oinsá atu aplika PPO ida-ne'e;
- e) Rekolla no apresenta relatóriu mensál ba Komisáriu kona-ba:
 - Total DAU IM4 Importasaun, DAU Esportasaun, no DAU IM7 Armazén ne'ebé libera ona;
 - Total DAU IM4 Importasaun nian ne'ebé dirije ba,
 - Kanál Verde,

- Kanál Azul,
- Kanál Laranja,
- Kanál Kinur no,
- Kanál Mean

- Númeru husi selesaun Kanál Mean, Kinur no Laranja rezulta iha penalidade;
- Tempu Médiu Liberasaun: husi Registraçao DAU to'o Validasaun Exit Note DAU.

Relatório mensal tenke submete ba Komisáriu iha loron 5 dabuluk kada fulan, ba fulan anterior nian.

- f) Foti medida korretiva wainhira la tuir PPO ida-ne'e; no
- g) Propoin ba Komisáriu, kualkér mudansa ka alterasaun kona-ba PPO ida-ne'e wainhira sirkunstánsia operasionál ne'e ezije tebes.

10. APLIKA PROSEDIMENTU IDA-NE'E

Prosedimentu ida-ne'e tenke aplika no implementa husi membru funsióariu Alfândega hotu-hotu, inklúndu maibé la limita ba:

- a) Funsióariu hotu-hotu ne'ebé servisu iha mini CREP iha Aeroporto no Postu Fronteira; no
- b) Funsióariu hotu-hotu husi Diresaun Nasionál Operasaun sira ne'ebé servisu iha Aeroporto no Postu Fronteira sira no kualkér fatin sira seluk ne'ebé sasán sira bele prosesa tuir provizaun sira husi PPO ida-ne'e.

11. KUMPRE BA PROSEDIMENTU IDA-NE'E

Prosedimentu ida-ne'e tenke kumpre rigorozamente husi parte hotu-hotu, no iha tempu hotu-hotu.

Falla atu halo tuir provizaun sira ne'ebé inklúndu iha PPO ida-ne'e bele inklui, maibé la limita ba:

- a) Funsióariu Alfândega: Asaun díxiplináriu, husi suspensaun sein halo pagamentu saláriu to'o demisaun, ka asaun kastigu apropriadu seluk ne'ebé foti hasoru ita;"
- b) Despaxante Alfândega: husi blokeu temporáriu kona-ba ita-nia asesu ba ASYCUDA World, to'o hasal ita nia lisensa hodi hala'o operasaun nu'udar Despaxante Alfândega husi Autoridade Aduaneira;
- c) Importador/Komersiante: Aplikasaun penalidade administrativu no/ka bele foti prosesamentu kriminál hasoru ita.

12. MINIMU DOKUMENTU APOIU NO/KA REKIJITU SIRA SELUK

Kualkér dokumentu apoiu ne'ebé karik preziza tenke hatama elektronikamente ba iha AW husi Despaxante/deklarante. DAU ho forma kópia eletrónica ka dokumentu apoiu ne'ebé la preziza atu submete.

Dokumentu sira tuirmai, ne'ebé hatama elektronikamente, tenke apresentá iha kazu hotu-hotu:

- a) Deklarasaun Alfândega (DAU) ba rejime Importasaun Uza Doméstiku (IM4)
- b) Koñesimentu Embarke/*Bill of Lading (BoL)*, Bilete Aéru/*Airway Bill (AWB)* ka *Persetujuan Ekspor Barang (PEB)* – dokumentu Alfândega Esportasaun Indonézia iha Postu Fronteira)
- c) Fatura komersial (fatura pro-forma sel la simu).


Balbain, preziza dokumentu adisionál atu kumpre rekizitu regulatóriu espesífiku. Ida-ne'e bele inklui maibé la limita ba kópia eletróniku ida:

- a) Permite no/ka lisensa husi Ajénsia ka Ministeriu Governu relevante;
- b) Dokumentasaun apoiu ba prosesamentu sasán sira ne'ebé izensaun husi impostu no taxa ne'ebé hetan reklama; no
- c) Dokumentasaun apoiu ba prosesamentu sasán sira tuir rejime Alfândega ne'ebé la relasiona ho IM4.


PARTE B: PROSEDIMENTU DETALLU


13. Prosesu Diagrama fluxu Multifuncional
14. Narrativu Padraun Prozedimentu Operasionál (PPO)
15. Aprovasaun, Diretiva no Divulgasauñ husi Diretór Jerál
16. Rejistu Alterasaun PPO

13. PROSESU DIAGRAMA FLUXU




Prosesu Liberasaun Lina Kinur Postu Fronteira no Aeroportu 04/06/2024





Prosesu Liberasaun Lina Mean Postu Fronteira no Aeroportu 04/06/24



14. PROCESU NARRATIVA

PPO ida-ne'e fabe ba haat (4) etapa prinsipal ne'ebé diferente, ne'ebé deskreve detalhu liután iha okos.

AA iha kompromisu atu aplica metodolojia bazeia ba jestaun risku ba atividade operasionál sira. Karik identifika ona kualkér diferencia wainhira halo'o Etapa 3 (detalhu iha okos), ka iha kualkér tempu seluk durante aplikasaun kona-ba prosedimentu ida-ne'e, entaun funsionáriu ne'ebé trata ba kazu refere tenke relata sira-nia rezultadu ba Departamentu Jestaun Risku. Karik apropiadu, ida-ne'e tenke inklui elaborasaun no submisaun husi funsionáriu ASYCUDA Pedidu Perfil utiliza formuláriu APR 1.

ETAPA 1: DESPAXANTE SUBMETE DAU NO DOKUMENTU APOIU, REJISTRASAUN NO AUTO-AVALIASAUN

Despaxante/deklarante mak responsável hodi halo no submete ninia deklarasaun alfândega (DAU) no dokumentu apoiu ba iha AW, no atu halo asuntu refere nia tenke halo tur etapa sira ne'ebé deskreve ona iha okos hodi atinji iha pontu legal ne'ebé esensial husi "Rejistrasaun":

1. Submete informasaun ho loloos ne'ebé relevante ba DAU iha ASYCUDA World (AW), no tuirmai *Scan* no submete kópia dokumentasaun apoiu hotu-hotu ne'ebé klaru no bele lee;
2. Hanehan funsaun "Verifika" iha AW atu deteta kualkér erru ne'ebé submete ona, konsisténsia ka validasaun, halo loos karik nesesáriu no "Verifika" fali atu asegura alterasaun sira ne'ebé rai ona;
3. Hanehan opsaun "Avaliasaun" iha AW;

AW sei responde ho "Número Rejistrasaun" no sei ativasan selektividade liuhusi dirije DAU ba Kanál ida husi haat ne'ebé diferente: Mean, Kinur, Azul ka Verde. AW mós sei haruka e-mail sistema automatiku ba despaxante/deklarante autorizadu ne'ebé indika katak DAU refere "Rejistradu" no dirije ona ba Kanál.

Tarefa Etapa Esensial	Sé mak envolve	Impaktu
1. Submete detalhu DAU ba iha AW	<ul style="list-style-type: none">• Despaxante/deklarante• Prosesu eletróniku AW	Dadus DAU kaptura iha AW
2. Tenta atu "Avalia" DAU liuhusi despaxante/deklarante	<ul style="list-style-type: none">• Despaxante/deklarante• Prosesu eletróniku AW	DAU "Fó-sai Nú. Rejistrasaun" Ativa selektividade no haruka mensajen AW ba despaxante/deklarante ne'ebé indika selektividade kanál.

Husi ne'e ba oin etapa sira tuirmai iha prosesu jerál sei diferente uitoan ba kada kanál.

ETAPA 2: KANÁL VERDE/AZUL

DAU sira ne'ebé dirije ba kanál Verde nia iha prosesu badak imediata , hanesan tuirmai (númeru tarafa kontinua husi etapa 1-Nú. 3):

4. Karik DAU dirije ba kanál Verde, AW sei fó-sai “Númeru Avaliasaun” no sei haruka mensajen automatiku ba despaxante/deklarante autorizadu ne'ebé indika katak DAU refere “Avaliadu”

5. DAU sira kanál Verde ne'ebé avalia ona bele hasai sein kualkér ezaminasaun liután;

6. DAU sira kanál Azul bele hasai sein ezaminasaun dokumentáriu ka fiziku liután durante liberasaun, maibé sei sujeita ba kontrolu pós-liberasaun (*);

(*) Nota: Alfândega bele hala'o kontrolu Pós-Liberasaun iha tinan 5 nia laran hafoin Avaliasaun ba DAU orjinal.

Ba DAU sira kanál VERDE no AZUL, Despaxante/Deklarante simu mensajen estatutu AW estatutu “Avaliadu” no kópia PDF husi Nota Avaliasaun (NA) atu kontinua ba pagamentu impostu/taxa iha banku autorizadu (BNU ka BCNTL).

DAU sira kanál Verde/Azul la halo verifikasaun ka aprezena iha kópia eletróniku ka surat-tahan ba iha mini CREP, no tanba ne'e bele kontinua ba **Etapa 3** iha prosesu eletróniku: **“Pagamentu ba Impostu no Taxa”** iha Banku ne'ebé autorizadu.

Tarefa Etapa Essensial	Sé mak envolve	Impaktu
1. Ativa selektividade AW - Kanál Verde/Azul avaliadu	<ul style="list-style-type: none">• Prosesu eletróniku AW	<ul style="list-style-type: none">• Fó-sai “Nú. Avaliasaun”;• Haruka Nota Avaliasaun pdf ba despaxante/deklarante;• Mensajen estatutu AW ba despaxante/deklarante• Laiha tán verifikasaun durante liberasaun;• Bele kontinua ba pagamentu impostu/taxa
2. Ativa Selektividade AW – Hilli ba kontrolu Kanál Kinur ka Mean.	<ul style="list-style-type: none">• Prosesu eletróniku AW	<ul style="list-style-type: none">• Selesaun ba dokumentáriu ka dokumentáriu no kontrolu fiziku.

DAU sira KANÁL KINUR, LARANJA NO MEAN BA IHA ETAPA 2a, ka 2b ka 2c.

ETAPA 2a: KANÁL KINUR - EZAMINASAUN DOKUMENTÁRIU

Selektividade AW – iha asuntu ida-ne'e dirije DAU ida ba kanál Kinur – sei ativa “Alokasaun Automátika ba Ezaminadór” iha AW no ninia prosesu ne'e sei kontinua iha mini CREP, ho knaar sira tuirmai (númeru tarafa kontinua husi etapa 1-Nú. 3):

4a. Iha mini CREP, funsionáriu Verifika Dokumentáriu (KINUR) ne'ebé alokadu eletrónikamente simu notifikasaun eletrónika AW kona-ba DAU ne'ebé sei verifika. Simultaneamente, despaxante/deklarante mós simu mensajen AW katak DAU aloka ona ba ezaminadór dokumentáriu ida. Despaxante/deklarante responsabilidade atu verifika karik DAU prosesa hela;

5a. Funsionáriu ne'ebé verifika dokumentáriu sei:

- a) Identifika razaun hili DAU atu halo verifikasaun ba dokumentu (perfil ka selsaun random);
- b) Identifika no halo asaun kontrolu espesifiku sira hanesan deskreve ona Iha seksaun "dokumentasaun" perfil AW nian;
- c) Konfirma katak klasifikasaun tarifa, kuantidade, todan (karik aplikável), unidade suplementariu, tipu sasán no valór sira ne'ebé deklara Iha DAU konsistente ho sira ne'ebé Iha dokumentasaun apoiu (e.z. Fatura, no/ka lista embalajen, seluk tán);
- d) Halo verifikasaun ba DAU no dokumentasaun apoiu, klasifikasaun tarifa no valór, kuantidade fatura, no unidade suplementariu (karik aplikável);
- e) Asegura katak Metodu Avaliasaun ne'ebé utiliza tur hela Tabela 1 Kódigu Alfândega, Dekretu-Lei 14/2017, hanesan altera ona liuhusi DL 87/2022;
- f) Asegura katak kualkér adisaun ka dedusaun ba Valór Alfândega rejista ona ho didi'ak Iha Nota Avaliasaun AW;
- g) Asegura katak autorizasaun ka sertifikadu ba rekizitu AGS - karik aplikável - apresentá; no
- h) Hakerek *Inspection Act AW*, no hatama informasaun kona-ba ezaminasaun. Iha ne'ebé, Iha opsaun rua:

Opsaun 1. Karik DAU "conform", (Ialha diferensia ne'ebé hetan Iha DAU), ezaminadór kompleta funsaun sira tuirmai ne'e Iha AW:

- i. Hili kaixa "**conform**" Iha *Inspection Act AW*,
- ii. Marka pelumenus verifikasaun padraun 4 ne'ebé hala'o ona;
- iii. Dirije faili DAU ba Verde,
- iv. **Avalia DAU**. AW fó-sai **Nota Avaliasaun (NA)** no haruka kópia pdf NA refere ba despaxante/deklarante atu selu impostu no taxa. Simultaneamente, despaxante/deklarante simu mensajen estatutu AW "**Avaliadu.**"

Opsaun 2. Karik DAU la conform, (hetan diferensia entre dokumentu apoiu & DAU), ezaminadór halo hanesan tuirmai ne'e:

- i. Hili kaixa "**non-conform**" Iha *Inspection Act AW*,

- ii. Hilli razaun ba naun-konformidade husi kódigu & deskrisaun número Erru/Infrasaun violasaun no mós kódigu Asaun iha *Inspection Act*;
- iii. Komunika ho despaxante/deklarante atu altera erru sira;
- iv. Halo kuakêr alterasaun ne'ebé presiza, valida kuakêr mudansa no dirije fali DAU ba kanal Verde;
- v. Avalia DAU (karik lalha penalidade ne'ebé identifikadu). Ida-ne'e permite despaxante/deklarante atu imprime NA.
- vi. Karik DAU naun-konformidade envolve aplikasaun penalidade, entaun DAU refere haruka ba Diretor Postu Fronteira ka Aeroportu atu kalkula kuakêr penalidade, bazela ba "kódigu erru/Infrasaun" ne'ebé hilli husi ezaminador. Penalidade tenke aumenta ba NA;
- vii. Wainhira "**la conform**" no "penalidade" resolve ona ezaminador dirije fali DAU ba Kanal Verde no avalia.

Opsaun 3. Karik DAU la conform, (hetan diferensia entre dokumentu apolu no DAU), ezaminador halo hanesan tuirmai ne'e:

- i. Hilli kaixa "**non-conform**" iha *Inspection Act* AW;
- ii. Marka razaun sira ba naun-konformidade husi Número Erru kódigu/Infrasaun no mós kódigu Asaun iha *Inspection Act*;
- iii. Atualiza kaixa testu gratuita tanba razaun espesifiku ba ezaminasaun fiziku no área espesifiku sira iha kontentór laran ne'ebé presiza ezaminasaun fiziku;
- iv. DAU dirije fali ba **Kanal Laranja**;
- v. DAU haruka ba Ekipa Scanner Raio-X atu halo scanning ba transporte/kontentór/konsignasaun.

Opsaun 4. Karik DAU la conform, (hetan diferensia entre dokumentu apolu no DAU), ezaminador halo hanesan tuirmai ne'e:

- i. Hilli kaixa "**non-conform**" iha *Inspection Act* AW;
- ii. Marka razaun sira ba naun-konformidade husi Número Erru kódigu/Infrasaun no mós kódigu Asaun iha *Inspection Act*;
- iii. Atualiza kaixa testu gratuita tanba razaun espesifiku ba ezaminasaun fiziku no área espesifiku sira iha kontentór laran ne'ebé presiza ezaminasaun fiziku;
- iv. DAU dirije fali ba **Kanal Mean**;
- v. DAU haruka ba Ekipa Scanner Raio-X atu halo Scanning ba transporte/kontentór/konsignasaun.

Tarefa Etapa Essensial	Sé mak envolve	Impaktu
1. Halo ona ezaminasaun dokumentáriu kona-ba DAU sira Kanal Kinur.	<ul style="list-style-type: none"> • Prosesu eletróniku AW, • Kanal Kinur alokadu ba Funshonáriu Mini CREP 	<ul style="list-style-type: none"> • Alokaasaun automatika husi ezaminador mini CREP, • Mensajen Estatutu AW ba despaxante/deklarante.
2. <i>Inspection Act – Conform,</i> <ul style="list-style-type: none"> - Dirije fail ba kanal Verde no Avaliasaun 	<ul style="list-style-type: none"> • Prosesu eletróniku AW, • Kanal Kinur alokadu ba Funshonáriu Mini CREP 	<ul style="list-style-type: none"> • Konformidade (“conform”) identifikadu; • Fó-sal Númeru Avaliasaun • Mensajen Estatutu AW ba despaxante/deklarante: “Avaliadu”
2. <i>Inspection Act – La conform,</i> <ul style="list-style-type: none"> - DAU, tur nesiedade, - Penalidade aplikadu, - Dirije ba kanal Verde no Avaliasaun - Dirije fail ba kanal Laranja no scan Raio- X - Dirije fail ba Kanal Mean hodi halo inspesaun fiziku 	<ul style="list-style-type: none"> • Prosesu eletróniku AW, • Kanal Kinur alokadu ba Funshonáriu Mini CREP • Despaxante/deklarante 	<ul style="list-style-type: none"> • Naun-konformidade (“La Conform”) identifikadu. • Fó-sal Númeru Avaliasaun • Mensajen Estatutu AW ba despaxante/deklarante: “Avaliadu”

ETAPA 2b: KANAL LARANJA – SCANNING RAO-X

Funshonáriu *Scanner* sira Raio-X Kanal Laranja nian mak responsável hodi hala’o *scan* RAO-X kona-ba konsignasaun, iha área ne’ebé kontrolu husi Alfândega. Ida-ne’e sei inklui pelumenus tarefa sira tuirmai (númeru tarefa kontinua husi etapa 1 – Nú. 3):

- 4b. AW automatikamente aloka DAU ba Kanal Laranja hodi kontrolu seguransa random no atu konfirma konsignasaun tur lista fatura/lista embalajen. Molok hala’o dijitaliza Raio-X, operador mákina Raio-X halo verifikasaun detallu ba konsignasaun iha DAU hodi konfirma tipu no kuantidade sasan sira iha kontentór laran. Hafoin ida-ne’e, ezaminador hala’o verifikasaun tuirmai ne’e:
- Konfirma katak konsignasaun ne’e tau iha área ida-ne’ebé apropriadu ne’ebé permite nia atu hala’o *Scanning* Raio-X haktuir ba regra ka regulamentu saúde no seguransa nian. Wainhira ida-ne’e la akontese, entaun funshonáriu ezaminasaun tenke informa kedas asuntu refere ba despaxante/deklarante:
 - Konfirma hanesan tuirmai ne’e:
 - Númeru kontentór ka númeru selo no mós Rejistrasaun kamioneta korresponde ho DAU asosiadu;
 - Rejistrasaun transporte korresponde ho dokumentu asosiadu;
 - Ba kontentór sira, selo ne’ebé seguru odamatan kotuk nian sei metin hela no livre husi sinal estragu ka manipulasaun; no
 - Karik konsignasaun ne’e iha Aeroportu, entaun konfirma katak:

- Pakote informasaun korresponde ho billete aviaun ka referéncia transportadora.
 - Pakote ne'e selo no livre husi sinal estragu ka manipulasau; no
- e) Halo *Scanning* Raio-X hodi asegura katak sasán sira-ne'e korresponde ho sasán sira ne'ebé deklarara ona iha DAU no dokumentu apoiu no mós laha irregularidade ba kontentór.

5b. Wainhira kompleta *Scanning* Raio-X, Operador hatama rezultadu husi ezaminasaun refere iha *Inspection Act*. Depende ba rezultadu ezaminasaun, iha ne'ebá, iha opsaun rua:

Opsaun 1: Karik *scanning* Raio-X "conform" (laiha diferensia iha DAU no/ka sasán), funsionaríu ezaminasaun:

- Illi kaixa "**conform**" iha *Inspection Act* AW nian;
- DAU dirije ba **Kanal Verde**;
- Availia DAU. AW fó-sai Nota Availiasaun (NA) no haruka kópia PDF husi NA ba despaxante/deklarante. Simultaneamente, despaxante/deklarante simu mensajen estatutu AW "**Availiadu**."

Opsaun 2: Karik *Scanning* Raio-X "la conform" (e.z. hetan diferensia entre sasán & DAU no mós rezultadu *Scan* Raio-X), funsionaríu ezaminasaun Raio-X:

- Hili kaixa "**non-conform**" iha *Inspection Act* AW;
- Marka razaun sira ba naun-konformidade husi kódigu Erru/Infrasaun Numériku no mós kódigu Asaun iha *Inspection Act*;
- Atualiza kaixa testu gratuita tanba razaun espesífiku ba ezaminasaun fiziku no área espesífiku sira iha kontentór laran ne'ebé prezisa ezaminasaun fiziku;
- DAU dirije ba **Kanal Mean**;
- DAU haruka ba Ekipa Inspesaun atu halo ezaminasaun fiziku ba kontentór.

Tarefa Etapa Essensial	Sé mak envolve	Impaktu
1. Scanning Raio-X ba DAU sira husi kanal LARANJA realizadu	<ul style="list-style-type: none"> • Prosesu eletróniku AW • Funsionaríu 	<ul style="list-style-type: none"> • Ekipa Atokasaun automatiku <i>Scanning</i> Raio-X • Mensajen Estatutu AW ba despaxante/deklarante
2. <i>Inspection Act</i> – Conform – Dirije ba kanal Verde no Availiasaun	<ul style="list-style-type: none"> • Prosesu eletróniku AW • Funsionaríu <i>Scanning</i> Raio-X ba Kanal Laranja 	<ul style="list-style-type: none"> • Konformidade ("Conform") identifikadu
3. <i>Inspection Act</i> – La Conform – Dirije ba Kanal Mean	<ul style="list-style-type: none"> • Prosesu eletróniku AW • Despaxante/deklarante Funsionaríu <i>Scanning</i> Raio-X ba Kanal Laranja 	<ul style="list-style-type: none"> • Naun-konformidade ("La Conform") identifikadu

ETAPA 2c: VERIFIKA DOKUMENTÁRIU KANÁL MEAN

Knaar prinsipál husi funsionáriu verifika dokumentáriu Kanál Mean iha mini CREP mak atu hala'o ezaminasaun detallu kona-ba DAU no dokumentu apoiu sira, no tuirmai dirije fall DAU refere ba ezaminadór fiziku ne'ebé aloka eletrónikamente iha Postu Fronteira ka Aeroportu. Atu assegura klareza, tipu asaun rua ne'ebé diferente kona-ba kontrolu kanál Mean ida-ne'e lista ona iha "Verifika Dokumentáriu" no "Ezaminasaun Fiziku" iha okos. Verifikasaun rua ne'e agora dadaun ligadu, no DAU só bele avalia de'it husi "Funsionáriu verifikasaun dokumentáriu" orijen halo'in kompleta ona kontrolu rua ne'e.

Verifikasaun dokumentáriu pelumenus inklui, tarefa sira tuirmai ne'e (númeru tarefa kontinua husi Etapa 1-Nú. 3):

- 4c. Iha mini CREP, funsionáriu Verifikasaun Dokumentáriu **(MEAN)** ne'ebé alokadu eletrónikamente simu notifikasaun eletrónika AW kona-ba DAU ne'ebé sei verifika;
- 5c. Funsionáriu hala'o verifikasaun kona-ba DAU no dokumentu apoiu, kuantidade, klasifikasaun tarifa no valor sira. Dependende ba nia rezultadu husi verifikasaun dokumentáriu, ka karik DAU sei dirije fall haloin ezaminasaun fiziku, detallu husi ezaminasaun bele hakerek iha *Inspection Act* ho maneira tolu (3):

Opsaun 1. Karik DAU "conform", (Ialha diferensia ruma iha DAU), ezaminadór kompleta funsaun sira tuirmai iha AW:

- i. Hilli kaixa "**conform**" iha *Inspection Act* AW,
- ii. Marka pelumenus verifikasaun padraun 4 ne'ebé ne'ebé hala'o ona;
- iii. Marka sinal "ba ezaminasaun fiziku" atu nune'e DAU enkamiña ba ezaminadór fiziku ne'ebé alokadu iha Aeroportu ka Postu Fronteira.

Opsaun 2. Karik DAU la conform, (hetan diferensia entre dokumentu apoiu no DAU), ezaminadór halo hanesan tuirmai ne'e:

- i. Hilli kaixa "**non-conform**" iha *Inspection Act* AW,
- ii. Marka razau ba nuan-konformidade husi Erru/Infraasaun kódigu numériku no mód kódigu Asaun iha *Inspection Act*;
- iii. Komunika ho despaxante/deklarante atu altera erru sira;
- iv. Halo kualkér alterasaun ne'ebé prezisa, valida kualkér mudansa; no
- v. Marka sinal "ba ezaminasaun fiziku" atu nune'e DAU enkamiña ba ezaminadór fiziku ne'ebé alokadu. AW haruka mensajen automatiku ba ezaminadór fiziku ne'ebé alokadu iha fatin Alfândega.

Nota Importante:

- Funzionáriu verifika dokumentáriu **(MEAN)** la dirije fali ba Verde ka la halo avaliasaun ba DAU iha etapa ida-ne'e, tanba sei halo ida-ne'e wainhira DAU dirije fali ba nia hafoin halo ezaminasaun fiziku.
- **DAU** Quarentena Kanál Mean verifika ona iha tempu ne'ebé hanesan wainhira veikulu/konsignasaun refere ezaminadu husi Alfândega. Nota sira-ne'e hatama manualmente iha DAU kópia surat-tahan ne'ebé submete husi Despaxante/Deklarante ba Quarentena.

KONTINUA BA ETAPA 6d – Ezaminasaun Fiziku

Opsaun 3: DAU sira filia ba mini CREP husi Ezaminasaun Fiziku:

- i. Ba DAU sira ne'ebé filia ho **"conform"** iha *Inspection Act* AW nian husi ezaminador fiziku, Funzionáriu Verifika Dokumentáriu finaliza *Inspection Act*, dirije fali DAU ba Kanál Verde, no **Avalia**.
- ii. Ba DAU sira ne'ebé filia ho **"la conform"** iha *Inspection Act* AW nian no "penalidade", Funzionáriu ne'ebé verifika dokumentáriu tenke rezolve uluk kualkér kestaun ne'ebé submete husi funcionáriu ezaminasaun fiziku no asecura katak penalidade (karik iha) prosesa no selu ona ho diak. Hafoin ida-ne'e, ezaminador dokumentáriu dirije fali DAU ba Verde no halo avaliasaun.
- iii. Ba kestaun sira iha i) no ii) iha leten - Wainhira avaliasaun, AW automatikamente fó-sal Nota Avaliasaun no haruka kópia PDF husi Nota Avaliasaun (NA) ba despaxante/deklarante atu halo pagamentu impostu/taxa iha Banku autorizadu (BNU ka BNCTL).

AW haruka e-mail automatiku ba despaxante/deklarante ne'ebé indika katak estatutu DAU muda ona ba "Avaliasaun."

Tarefa Etapa Essensial	Sé mak envolve	Impaktu
1. Halo ona ezaminasaun dokumentáriu no fiziku ba DAU sira ne'ebé iha kanál MEAN	<ul style="list-style-type: none">• Prosesu eletróniku AW,• Funzionáriu mini CREP alokadu ba Kanál Mean• Funzionáriu Ezaminasaun fiziku iha Postu Fronteira/Aeroporto alokadu ba Kanál Mean	<ul style="list-style-type: none">• Alokasaun automatika husi ezaminador mini CREP;• Mensajen Estatutu AW ba despaxante/deklarante
2. <i>Inspection Act – Conform</i> , – Dirije fali ba kanál Verde no Avaliasaun	<ul style="list-style-type: none">• Prosesu eletróniku AW,• Funzionáriu mini CREP alokadu ba Kanál Mean	<ul style="list-style-type: none">• Konformidade ("Conform") identifikadu;• Fó-sal Númeru Avaliasaun• Mensajen Estatutu AW ba despaxante/deklarante: "Avaliadu"

<p>3. <i>Inspection Act – La Conform,</i></p> <ul style="list-style-type: none"> - DAU, tuir nesesidade, - Penalidade aplikadu, - Dirije fali ba Kanál Verde no Avallasaun 	<ul style="list-style-type: none"> • Prosesu eletrónku AW, • Funsiónáriu mini CREP alokadu ba Kanál Mean • Despaxante/deklarante 	<ul style="list-style-type: none"> • Naun-konformidade ("Ia Konform") identifkadu. • Fò-sal Númeru Avallasaun • Mensajen Estatutu AW ba despaxante/deklarante: "Avalladu"
---	---	--

ETAPA 2d: EZAMINASAUN FIZIKU KANÁL MEAN

Funsiónáriu ezaminasaun fiziku ba Kanál Mean mak responsável atu hala'o ezaminasaun fiziku ba konsignasaun, iha Postu Fronteira, Aeroportu ka área kontrolu sira seluk Alfândegarian. Ida-ne'e sei inklui pelumenus tarafa sira tuirmai (númeru tarafa kontinua husi etapa 2c - tarafa 5c):

- 6d. Funsiónáriu Ezaminasaun Fiziku ne'ebé aloka AW automatikamente simu e-mail AW ne'ebé indika katak DAU hein hela ezaminasaun. Despaxante/deklarante mós simu e-mail AW kona-ba ezaminasaun referere;
- 7d. Molok hala'o ezaminasaun, veikulu, konsignasaun ka kontentór sei pasa liuhusi mákina ralo-X wainhira muda ba área inspesaun atu nune'e ezaminadór fiziku bele identifika iregularidade iha kargo laran.
- Ezaminadór mós haree iha Seletividade AW razaun selesaun DAU (perfil ka random) no haree "Instrusaun ba Ezaminadór" iha "dokumentasaun" perfil AW, no mós kualkér nota ka instrusaun seluk tán ne'ebé halo husi funsiónáriu ne'ebé Verifika Dokumentáriu iha *Inspection Act* atu orienta ezaminadór fiziku. Hafoin ida-ne'e, ezaminadór hala'o verifikasaun tuirmai ne'e:
- c) Despaxante/deklarante prepara kontentór, veikulu, konsignasaun prontu atu halo ezaminasaun no organiza tempu inspesaun ho ezaminadór;
- d) Konfirma katak konsignasaun ne'e tau iha área ida-ne'ebé apropiadu ne'ebé permite nia atu halo ezaminasaun, ho seguru no tuir regra ka regulamentu saúde no seguransa nian. Wainhira ida-ne'e la akontese, entaun funsiónáriu ezaminasaun tenke informa kedas asuntu referere ba despaxante/deklarante;
- e) Wainhira konsignasaun referere iha kontentór laran ona, entaun konfirma asuntu referere katak:
- Númeru kontentór referere korresponde ho DAU asosiadu;
 - Selo hodi asegura odamatan kotuk nian sei metin no livre husi sinal estragu ka manipulasáun; no
- f) Hala'o ezaminasaun hodi asegura katak sasán no kuantidade sira ne'ebé ezamina ona korresponde ho sasán sira ne'ebé deklarara ona iha DAU no

dokumentasaun apolu. Hodl hala'o ida-ne'e ezaminador sei halo nota apropiadu iha tablet ne'ebé ligadu ho AW;

- 8d. Rezultadu husi ezaminasaun iha *Inspection Act*. Depende ba rezultadu ezaminasaun, iha ne'ebé, iha opsaun rua:

Opsaun 1: Karik ezaminasaun "conform" (lalha diferensia iha DAU no/ka sasán),
funshonáriu ezaminasaun:

- i. Hili kaixa "**conform**" iha *Inspection Act* AW,
- ii. Marka pelumenus verifikasaun padraun 4 ne'ebé hala'o ona;
- iii. Marka sinal "**ba funshonáriu ezaminasaun dokumentáriu Kanál Mean**" ba DAU atu fila ba ezaminador dokumentáriu ne'ebé uluk aloka iha mini CREP.

AW haruka e-mail sistema automatiku ba funshonáriu ne'ebé Verifika Dokumentáriu iha mini CREP ne'ebé indika katak DAU transfere fail ona ba nia atu finaliza *Inspection Act*.

Nota Importante: Funshonáriu ezaminasaun fiziku la permite atu dirije fail ba Verde ka halo Avaliasaun ba DAU.

Opsaun 2: Karik ezaminasaun "la conform" (hetan diferensia entre sasán & DAU),
funshonáriu ezaminasaun:

- i. Hili kaixa "**non-conform**" iha *Inspection Act* AW;
- ii. Marka razaun sira ba naun-konformidade husi kódigu Erru/Intrasaun numériku no mós kódigu Asaun iha *Inspection Act*;
- iii. Karik DAU naun-konformidade envolve aplikasaun penalidade, ezaminador rejistu nota iha *Inspection Act* AW kona-ba penalidade ne'ebé sei aplika husi Diretor;
- iv. Marka sinal "**ba funshonáriu ezaminasaun dokumentáriu**" atu nune'e DAU transfere ba ezaminador dokumentáriu ne'ebé aloka ona ba Kanál Mean iha mini CREP.

AW haruka e-mail sistema automatiku ba funshonáriu ne'ebé Verifika Dokumentáriu iha mini CREP ne'ebé indika katak DAU transfere ona ba nia atu finaliza *Inspection Act*.

Tarefa Etapa Esensial	Sé mak envolve	Impaktu
2. Halo'o ezaminasaun fiziku ba DAU sira Kanal Mean.	<ul style="list-style-type: none"> • Prosesu eletróniku AW, • Funsionáriu ne'ebé alokadu ba ezaminasaun fiziku ba kanal Mean Iha Postu Fronteira/Aeroporto 	<ul style="list-style-type: none"> • Alokasaun automática husi ezaminador mini CREP, • Mensajen Estatutu AW ba despaxante/deklarante
3. <i>Inspection Act – Conform</i> , – Dirije faili DAU ba funsionáriu ne'ebé alokadu ba kanal Mean Iha mini CREP ba finalizasaun	<ul style="list-style-type: none"> • Prosesu eletróniku AW, • Funsionáriu ne'ebé alokadu ba ezaminasaun fiziku Kanal Mean Iha Postu Fronteira/Aeroporto 	<ul style="list-style-type: none"> • Konformidade ("Conform") identifikadu; • Mensajen AW ba funsionáriu ne'ebé alokadu bakanal Mean mini CREP
4. <i>Inspection Act – La Conform</i> , – Dirije faili DAU ba funsionáriu ne'ebé alokadu ba kanal Mean Iha mini CREP ba finalizasaun.	<ul style="list-style-type: none"> • Prosesu eletróniku AW, • Funsionáriu mini CREP alokadu ba kanal Mean • Despaxante/deklarante 	<ul style="list-style-type: none"> • Naun-konformidade ("La Conform") identifikadu. • Mensajen AW ba funsionáriu mini CREP alokadu ba kanal Mean

ETAPA 3: PAGAMENTU BA IMPOSTU NO TAXA IHA BANKU AUTORIZADU

Pagamentu ba Impostu no Taxa nu'udar kontinuasaun husi Etapa 1, Nú. 3; Etapa 2, Nú. 6; Etapa 2a, Nú. 5a Opsaun 1; Etapa 2b, Nú. 5b, Opsaun 1; Etapa 2d, Nú. 8d, Opsaun 1.

Despaxante/deklarante sira mak responsável hodi selu impostu no taxa ne'ebé deve ba DAU kleur liu másimu Iha loron lima (5) hahu husi data Nota Avaliasaun (NA). Sira bele halo sira-nia pagamentu ho *cash* ka liuhusi transferénsia eletrónika husi sira-nia konta Iha eskritóriu Banku nian ne'ebé lokaliza Iha Postu Fronteira ka Aeroporto ka Iha sukursal lokái:

- *Banco Nacional Ultramarino (BNU)*, ka
- *Banco Nacional de Comércio Timor-Leste (BNCTL)*.

Pagamentu Iha etapa prinsipál rua, hanesan deskreve ona Iha a) no b) Iha okos:

- a) Pagamentu Iha Eskritóriu Jerál Banku Autorizadu (BNU ka BNCTL)
1. Despaxante/deklarante apresentá kópia 2 x husi AW Nota Avaliasaun (N.A.) ba Banku *cashier* hamutuk ho montante total osan ba impostu no taxa ne'ebé indika Iha N.A.;
 2. *Cashier* Banku verifika montante ne'ebé halo tenderizasaun ho montante Iha NA no simu pagamentu;
 3. *Cashier* Banku hatama pagamentu detallu Iha sistema Banku, fó-sai sinal Resibu Banku nian ne'ebé imprime ona, tau karimbu no asina no mos fó ba despaxante/deklarante;
- b) Submete Pagamentu ba Iha AW husi *Cashier* Alfândega Iha mini CREP

4. Despaxante/deklarante apresentata ba *Cashier* Alfândega (mini CREP) Prova Resibu Banku pagamentu ne'ebé hetan karimbu no asina ona;
5. *Cashier* Alfândega hatama pagamentu husi Resibu Banku ba AW no imprime Resibu AW ba 2 x, ne'ebé asina no tau karimbu. Asuntu ida-ne'e hatudu estatutu DAU muda ba "**Selu ona**" no mensajen eletróniku haruka ba despaxante/deklarante ne'ebé konfirma estatutu ida-ne'e;
6. *Cashier* Alfândega fó kópia 1 husi Resibu Banku no kópia 1 husi Resibu AW ba Despaxante/deklarante.

Tarefa Etapa Essensial	Sé mak envolve	Impaktu
1. Pagamentu ba imposto no taxa Iha banku autorizadu	<ul style="list-style-type: none"> • <i>Cashier</i> banku BNU ka BNCTL, • Sistema eletróniku husi Banku • Despaxante/deklarante. 	<ul style="list-style-type: none"> • Rekolla Reseita Governu; • Fó-sai Resibu Pagamentu husi Banku
2. Hatama ba Iha pagamentu Impostu/taxa AW ne'ebé halo ona Iha banku autorizadu	<ul style="list-style-type: none"> • Prosesu eletróniku AW, • <i>Cashier</i> Alfândega, • Despaxante/deklarante 	<ul style="list-style-type: none"> • Pagamentu ne'ebé rejistu Iha arkivu AW DAU, • Mensajen estatutu AW "Selu ona" ba despaxante/deklarante, • Fó-sai Resibu Pagamentu AW

ETAPA 4: FÓ-SAI NO VALIDASAUN BA EXIT NOTE.

Ida-ne'e mak etapa ikus Iha prosesu liberasaun Alfândega.

Exit Note mak instrumentu legál ne'ebé fó-sai Iha AW, Iha ne'ebé Alfândega autoriza atu hasai sasán (Iha kontentór laran, konsignasaun ka hasai kargo) wainhira formalidade liberasaun hotu-hotu kompleta ona.

Iha Etapa Prosesu ida-ne'e, despaxante/deklarante nu'udar atór prinsipál no responsável ba:

- Organiza fó-sai *Exit Note* ho Alfândega;
- Kompleta no finaliza formalidade sira seluk hotu ne'ebé la relasiona ho Alfândega, hanesan pagamentu ba kompanhia *stevedore* ka ba kualker kustu demorasau;
- Organiza transporte no movimentu ne'ebé apropiadu sai husi área Kontrolu Alfândega wainhira presiza::

Tarefa sira Iha Etapa Prosesu ida-ne'e mak hanesan turmai ne'e (Número Tarefa kontinua husi Etapa 3, Nú. 6j):

7. Atu hetan *Exit Note*, despaxante/deklarante apresentata ba mini CREP, kópia Resibu ida husi AW ba pagamentu impostu no taxa:

8. Wainhira aprezenza Resibu Pagamentu AW, funsionáriu Alfândega sei konfirma validade Resibu Pagamentu AW iha AW no tuirmai sei halo *Exit Note AW* no formese imprime ba despaxante/deklarante. La presiza atu aprezenza kópia surat-tahan husi DAU ka ninia dokumentu apoiu.
9. Mini CREP sei valida *Exit Note* iha AW nelebé autoriza veikulu/kontentór/konsignasaun atu sai husi Postu Fronteira ka Aeroportu.
10. Estatutu DAU iha AW muda ba “*Exited*” no haruka e-mail automatikamente ba despaxante/deklarante.

Tarefa Etapa Essensial	Sé mak envolve	Impaktu
1. Pedidu husi despaxante/deklarante ba funsionáriu mini CREP atu fó-sai <i>Exit Note</i> .	<ul style="list-style-type: none"> • Despaxante/deklarante, • Funsionáriu mini CREP iha Postu Fronteira/Aeroportu • Prosesu eletróniku AW 	<ul style="list-style-type: none"> • Prodús <i>Exit Note AW</i> ba DAU,
2. <i>Exit Note</i> valida ona husi mini CREP.	<ul style="list-style-type: none"> • Prosesu eletróniku AW, • Mini CREP iha Postu Fronteira Aeroportu • Despaxante/deklarante, ka kondutór 	<ul style="list-style-type: none"> • <i>Exit Note AW</i> Valida ona, estatutu DAU muda ba “<i>Exited</i>”, • Mensajen estatutu AW “<i>Exited</i>” haruka ba despaxante/deklarante.

PROSESU ALFÂNDEGA REMATA

15. APROVASAUN, DIRETIVA NO DIVULGASAUN HUSI KOMISÁRIU

Bazeia ba 9 (1c) husi Dekretu-Lei 2/2020 ne'ebé permite ba Komisáriu atu: "Aprova regra no/ka instrusaun administrativa sira ne'ebé nesesáriu ba funsionamentu Autoridade Aduaneira, inklui aplikasaun ba lejislasaun Alfândega," ho ida-ne'e ha'u:

- a) **Aprova** Padraun Prosedimentu Operasionál (PPO) ida-ne'e koñese nu'udar, "Prosedimentu Simplifikadu Kona-ba Liberasaun Importasaun Sasán Komersial Luluhusi Postu Fronteira Terrestre no Aeroporto-2024";
- b) **Direta** katak PPO ida-ne'e sei komunika ba funsionáriu relevante hotu husi AA, no ba funsionáriu hotu husi AA implementa, aplika no ezekuta parte hotu husi PPO ida-ne'e nu'udar deskreve ona; no
- c) **Direta** katak PPO ida-ne'e hahú aplika iha loron tuirmal depozizde data ne'ebé asina iha kraik.

Asina ihafulan2024




Armino dds Santos

Komisáriu Interinu
Autoridade Aduaneira
Timor-Leste

(Karimbu ofisial Alfândega)

16. REIISTU ALTERASAUN PPO

Data Aprovasaun	Númeru Versaun	Naran dezentvolvedor	Naran Revizor
	v.1 (versaun ida)	R. Simmonds	